

中华全国图书馆

文献缩微中心



山西省图书馆 摄制

1989

原件收藏

山西省图书馆

原件书号

172413-16

原件状况

原件完好

[康熙]重修平遥縣志八卷

(清)王綬修 康乃心纂

清康熙四十五年刻本

四册

本部书共摄制 1 卷 卷一至卷八

版权所有 不准复印

本部书开始

本片卷含： 卷一至卷八

重修平遙縣志

一



平遙縣志序

晉乘猶魯春秋也春秋經
聖人筆削傳於天下後世
而晉之乘無聞焉然自唐
叔分封傳至文公一戰而
霸歛後繼主夏盟六卿之

謀三晉之事其詳載於左
國者皆晉乘之遺也平邑
乃三晉之一隅耳邑志缺
畧則晉乘不全此志之所
以急宜修也嘗考汾州府
志平邑為古陶地唐堯氏

所初封者即此其地瘠薄
而氣剛勁人多耕職少商
賈健訟尚侈猶得謂有陶
唐氏之遺風乎余聞之父
老曰邑之東城上有周卿
士尹吉府將臺焉吉甫才

兼文武其薄伐也至於太
原其作誦也穆如清風萬
邦為憲詩非溢美且蒸民
之什所謂天生蒸民有物
有則民之秉彝好是懿德
者其與維皇降衷之旨曷

以異哉予叨守西河自愧
教化未敷但見平民之囂
訟者不一而足竊疑人性
皆善之說或未必然夫人
性豈有不善哉此蓋氣質
之性或有不善若其最初

之性必無不善也故曰性相近習相遠也邑令王君誠亭以才能蒙

巡撫大中丞葛公國士之知調任八載既已追崇堯祀重新學宮創西河書院凡

有功於名教有益於地方者靡不興舉乃出其緒餘續修邑志而請序於予予謂王君之志誠大矣王君之才尤足副之所以廣收於文獻無徵之日論定於

疑信相半之餘而予奪必
衷之輿情條理自具有成
竹故其為書綱舉目張粲
然可觀若此漢史載黃穎
川力行教化龔渤海勸民
賣劍買牛賣刀買犢予心

竊慕之亦曾著百忍圖勸
民息訟而訟日滋自愧不
如古人遠甚若王君何必
不卓魯也宋杜祁公曾令
平遙繼而入相為宋名臣
晉人有云宰相時來則為

之王君報最伊邇即以此志備史館輜軒之採豈不愉快但做一日盡一日之職寬一分受一分之惠必也慎終如始乎若夫六月之詩所云侯誰在矣張仲

孝友詩人所以美吉甫之燕喜也而與宴者之賢必以孝友為稱夫孝友即懿德也孟子曰堯舜之道孝弟而已矣程子曰性即理也理則堯舜至於塗人一

也方今

聖天子在上建中和之極固已
堯舜媲美矣爾民既生於
陶唐氏之地而予與王君
為守若令幸逢
堯舜之君又幸遇

上憲皆岳牧之臣願爾民不
識不知安其耕鑿以順帝
則者還蒸民之天則是即
謂之堯民可矣既以為邑
之士民勉且樂邑志之成
可以為晉乘光也是為序

告

康熙丁亥春正月八日

賜進士第中憲大夫

特簡山西汾州府知府前雲南
開化府知府刑部廣東清
吏司郎中兵部職方清吏

司員外郎

瀛臺

御試二等

欽差監督京右翼北新倉主事
行取汾西縣知縣薦一次山西
乙卯科鄉試同考試官石

門沈寧謨

平遙縣志序

庚辰春自太原奉

命來尹茲邑至則按圖志考其傳記欲以周知一邑
之山川田賦自上世以迄今茲文物之盛衰風
俗之醇疵而舊志簡略僅盈二冊宏綱雖舉節
目未詳大抵遺明季兵燹之餘文獻無徵即能
旁考他書下訪街談卷議而十得六七猶望遠
者之不辨其貌聽遠者之未聆其詳也舊志之
略亦無怪其然夫志所以載山澤物產前言佳

行教養之方於是乎在故統志所不能備分載郡志郡志所未盡收詳見縣志而吾平遙之志如此述往思來將何賴焉余今七年於茲矣陟降麓臺戈嶺趨蒙兩山間其泉源泐澗村落土地之豐歉涉沙河中都嬰漢諸水其滎洄汎析灌溉衝決之利害頗得其要領間遇廢鐘斷碣亦恒留意抄錄故數年來黌宮祠廟以至橋梁道路諸興作而外即欲廣徵舊聞聿新邑乘乃簿書送迎無日無之而又才乏三長是以欲舉

輒止及西河書院既建適友人邵陽康孟謀公車過我慨然捺筆日夜編次凡七閱月而書始成創建增修較詳於舊志他如孫子荆之文章葉伯臣之奏疏固得之於史而黃華遺山松雪之題跋真蹟則得之於廢寺荒墳劉欒成范太衡之節義則猜之於輿論凡舊志之所無者一皆增之以故事廣舊志之半而文亦倍焉雖不敢謂無一挂漏然山川田賦文物風俗其有關於生民之利病而可為教養之資者已校若判

者矣嗟夫滿秩而遷一官傳舍余固不敢自愛其力而民之托於故常卒難成績者如西北之水患可隄東南之流泉可濬環城近郊宜樹而連村共井宜學所望後之君子按志而求日新月盛將來者廢或可以盡起而利或可以盡興廢乎上報

聖天子久道化成之效下庇此邦人飲和食德之長則潤色增修得毋視斯志如結繩後

康熙四十五年歲次丙戌大呂月上浣之吉鄉
進士知平遙縣事蘭山王綬敬題

整定

提督山西學政兼理陝西學政翰林院侍讀加三級鄒

提督山西學政兼理陝西學政翰林院侍讀加三級鄒

山西等處承宣布政使司布政使加六級永

山西等處提刑按察使司按察使加三級舒

督理山西糧屯驛傳道副使管布政使司叅議事加七級吳

特簡太原府知府趙

特簡太原府知府趙

特簡平陽府知府劉

禮 滿洲

灝 文清

士 石

泰 滿洲

赫 滿洲

存 立

鳳 武

榮 武

特簡汾州府知府沈諱寧

汾州府同知兼理鹽法車輜加五級又加毅馬諱遼

汾州府督糧通判加一級黃諱大蘇

訂正

左春坊左贊善兼翰林院檢討范諱光宗

掌河南道監察御史前翰林院檢討宋諱朝楠

廣西道監察御史呂諱履恒

翰林院檢討張諱曾慶

原任掌河南道監察御史劉諱灝

甲子科舉人候補內閣中書張諱開宗

纂修

平遙縣知縣王諱綬

編輯

己卯科經元康諱乃心

討論

平遙縣儒學教諭王諱益謙

介休縣儒學訓導署平遙縣教諭事王諱奕曾

平遙縣儒學訓導薛諱錫哀

已卯科 亞元

劉諱 岫朝邑

歲貢生 候選訓導

陸諱 豹雲左山

平遙縣 縣丞

臧諱 燦如奉天

平遙縣 典史

胡諱 文烈涇州

洪善驛 驛丞

黃諱 繼懋會稽

庚午科舉人 候選知縣

梁諱 克繩其武

已卯科經元 候選知縣

雷諱 九章聖人

乙酉科經元

楊諱 廷枚吉人

金堂縣 知縣

劉諱 邁種石人

濟南衛 守備

郭諱 爾安康人

湖廣永定衛 守備

劉諱 振威威人

歲貢生 候選教諭

梁諱 建都鎮人

拔貢生 候選教諭

邾諱 堯都唐人

拔貢生 候選知縣

梁諱 甲第廬人

候銓 州同

梁諱 森參雲人

歲貢生 候選訓導

劉諱 鶴齡天錫人

歲貢生 候選訓導

劉諱 邁倫西人

歲貢生 候選訓導

雷諱 起潛漢人

歲貢生 侯選 訓導 梁 漳邑人

採訪

歲貢生 侯選 訓導 梁 漳邑人

康 膳 生 員 喬 漳 遜 漳邑人

康 膳 生 員 梁 漳 博 漳邑人

康 膳 生 員 雷 漳 漢 漳邑人

參閱

丁丑科 進士 候選 知縣 劉 漳 光 秀 寶 公

庚辰科 進士 候選 知縣 梁 漳 通 洛 文 濤 介 休

丙戌科 進士 候選 知縣 呂 漳 文 櫻 泉 初

乙酉科 舉人 盧 漳 兆 麟 九 峯 曲

乙酉科 舉人 王 漳 棧 介 蔚 西

儒 學 生 員 陸 漳 宣 元 介 心

儒 學 生 員 溫 漳 毓 桂 秋 香

儒 學 生 員 梁 漳 霄 灼 漢

儒 學 增 廣 生 員 梁 漳 勳 勳 止

儒 學 康 膳 生 員 溫 漳 儒 型 邑 人

儒 學 增 廣 生 員 梁 漳 檀 子 珍 邑 人

儒學 康膳 生員 李諱 理臨 邑人	儒學 康膳 生員 趙諱 愛祖 邑人	儒學 康膳 生員 李諱 莪 邑人	儒學 康膳 生員 雷諱 大震 邑人	儒學 增廣 生員 劉諱 大受 邑人	儒學 康膳 生員 梁諱 淑 邑人	儒學 生員 趙諱 愛旭 邑人	儒學 生員 霍諱 振乾 邑人	儒學 生員 李諱 璜臨 邑人
----------------------------------	----------------------------------	---------------------------------	----------------------------------	----------------------------------	---------------------------------	----------------------------	----------------------------	----------------------------

儒學 康膳 生員 張諱 道遠 邑人	儒學 康膳 生員 宋諱 天祐 邑人	儒學 增廣 生員 陳諱 元吉 邑人	儒學 康膳 生員 楊諱 之珍 邑人	儒學 康膳 生員 侯諱 以臨 邑人	儒學 康膳 生員 高諱 鵬 邑人	儒學 增廣 生員 李諱 養鳳 邑人
----------------------------------	----------------------------------	----------------------------------	----------------------------------	----------------------------------	---------------------------------	----------------------------------

經管禮房周學儒

江寧劄劄氏邵春題

張國馭

訂裁田錦彪

刷印趙明輔

邵榮宗

平遙縣城圖

平遙縣志目錄

星地志一

天文
增基
沿革
十二景

建置志二

城池
社學
橋梁
村著
風尚
公署
義學
坊牌
武備

廟學
書院
城市
堡寨

祭器
鋪舍
鎮集
養濟院

學田
提堰
坊里
義塚

疆域

山川

古蹟

田賦志三

戶口
存儲
地畝
雜差

賦稅
土貢

農桑
額外

屯田
鹽課

土產

官師志四

五縣

縣丞
巡檢

主簿
驛丞

典史

教諭

人物志五

忠節
流寓
異跡

孝子
列女
生員

選舉
學表
例貢
監

隱逸
贈封
雜職

祠祀志六

樂器
寺觀
附

舞器

壇壝

廟制

藝文志七

記文賦詩
七言律
七言古

碑
議跋

七言絕句

墓志
疏詞
銘

五言律
詩餘

碣銘
序誥
命

五言排律

塔銘
書

雜志八

四禮
災異
地傳
兵叔
趙松
道器
帝堯
始封

俗節
水災
旱災

微君
麓起
習俗
著述
之象

小人
悍愚
疏通

黃花
老人
寒食
平民
尚義

糴糶
純糶

詩人
純糶
陽

賢令
尹年
歲

南神
廟塚
武貴

平遙縣志序

平遙故有志歲久蕪缺邑侯蘭州王誠亭先生
舉而葺之丙戌春余以計偕過訪因留共事夫
為志固非易而為志於此邦則更難地當衝塗
百戰之餘兵塵劫火蕩然無遺故家典籍久與
燒灰俱盡而所存帙冊又復因陋就簡茫無考
據訪諸州里如譚皇古渺渺茫茫雜俚殆半將
欲志之奚從而志之哉誠亭高才鴻學余乃以
荒鄙佐之其得當者蓋鮮矣無已則力疾載筆

勉窺圖史時或博採他書間訪諸梵宮道館廢苑荒邱與夫山巔水涯人跡不至名賢逸士之所遺畱網羅舊聞孜孜屹屹自春徂夏自夏及秋閱七月而志粗成誠亭好學深思景仰聖哲起帝堯之明祀表卜子之遺規開雲路新學宮建文昌奎閣皆其有功吾道可垂千載者此志之所以接踵而起也易不云乎有天地然後有萬物故首志星地維王建國作之君作之師民人社稷皆其所也次建置有建置然後耕鑿興

焉阡陌作息任土作貢以寧婦子事長上故授之以田賦相生相養訟獄斯作仁義以導之章程以示之遺愛誰嗣襦袴誰歌也故授之以官師官師具則人材興焉民無詐偽士多君子故授之以人物人道成則神道著春秋報年以順成聖域賢關名教所屬治民事神誠之志也故授之以祠祀治法備矣匪文昌徵守先待後燦如星辰烏可已耶無文是朴塞也是冥行也故授之以藝文而書不盡言言不盡意落落離

離撮而錄之以附於里巷歌謠歲時耆舊之末
則為雜志以終焉嗟夫文章如面史才最難言
之無文行而不遠固陋迂拙傳舊而已矣取信
而已矣訓詁告蒙而已矣為志凡八卷卷各有
日以俟後之賢人君子歲次柔兆閏茂秋八月
六日關中郃陽康乃心太乙氏述於古陶之西
河書院

平遙縣志跋

程伯子自謂觀史當於字字揣摩予疑其過密
今試之闕志亦猶是也必如是觀始悉其圖記
人文景物之詳歷代風俗政教之美平志由來
舊矣然事多缺略文辭簡率夫事之不詳難以
傳後言之不文何以行遠相沿日久將斷簡殘
編終歸漸滅金城 王誠亭先生具曠世才來
蒞是邦每以修志為念越丙戌春於公餘之暇
集眾人之長親加纂訂增補添註不數月間而

向之缺者備簡者文彬彬乎集其大成矣其文約其理博其志公其才斷其稱文顯而其旨極微其舉類近而見義甚遠其志公故其原服其才斷故直而不阿廣行搜輯于散亡之餘特裁于洞鑑以超出流俗之外不徇世之毀譽確然傳信而無疑者也昔季札聞唐風曰思深哉其有陶唐氏之遺民乎陶俗性剛勁尚氣節今而後得是志而戶誦家傳佩其嘉言懿行習其文采風流鼓舞漸漬而至于道庶幾復返陶唐氏

之遺風乎志之修也即春秋之微旨所以正人心維世道者誠匪淺鮮也異日太史採風徵良吏為良史即以志一邑者以之志天下裕如也予濫叨贊政竊鄙何知親炙大典幸附數言于末

康熙歲次丁亥夏浣之吉修職郎佐理平遙縣事三韓臧燦如敬跋

重修平遙縣志卷之一

平遙縣令蘭山王 綬纂修

飛浮山人莘野康乃心編次

星野志

延陵公子之觀周樂也為之歌唐曰思深哉其
有陶唐氏之遺風乎不然何憂之遠也暇日登
高望遠漠漠悠悠惟見山高而水清數千百年
欲溯中天之盛尋封國故處蓋邈乎不可得聞
矣然而日月如故光景長新星雲爛熳猶帝之

光華也山河流峙猶帝之奠麗也夫耕婦織比戶晏然猶帝之蒸民也勤勤孜孜早夜不休猶帝之作息飲食也豈惟青齊一區始居鳩爽鳥紀官常傳於剡子哉夫聖人德同大造握化含元萬世而遙歆如旦暮瞻觀元覽若在羹牆易曰仰則觀象於天俯則觀法乎地語曰上下四方為宇往古來今為宙陶雖一邑乎引而伸之觸類而長之百里外內實有恭讓之風萬邦之象焉慎無云此藁爾者區鄙在山淑頽於水曲

彈丸黑子奚足以名帝里昭峻德遠同於九州
禹跡殷土茫茫也首星地志
星野

禹貢冀州之域星分參井鄭之產曰堯遷實沈於大夏生參臺駘能業其官顯頊嘉之封於汾川蓋臺駘汾神實沈參神也則汾之屬在參又通志云太原參井今雲中代郡皆度入東井上黨高都為甯參之屬陶菑太原應在參井之間通志曰太白屬金西方之星也長星屬水北方

之星而三晉興焉續漢志注曰長星主常山主
冀幽并太自主奎婁胃昂畢觜參唐書實沈以
負西海其神主於華山太白位焉大梁以負北
海其神主於恒山長星位焉又曰燕齊候長星
占虛危晉亦候長星占參伐秦晉好用兵復占
太白邊塞數侵獨占長星雖其說微有不同而
西方金位北方水位則固不易之論也

參星圖

井星圖

朱太史之後分野辯曰分野之說原委古今相沿不得不從也外史曰聖人別九州而紀地所以配天之文也非緣星而紀也星辰之茫昧未嘗屑屑然而為之分誠哉是言今以分野宮度論之明歷畢六度過申西歷畢八度過申明歷井八度過未西歷井初度過未是申宮并無井度矣且參七星伐三星共十星參原十度觜止半度今西歷增觜為十度而參度反刪其九則在天止有參星一度耳參星雖削晉益猶附則

今晉益屬參無疑也益實是蜀蜀與益相隔甚遠而分野則同亦如齊魯接壤而魯屬西方秦婁之分齊屬北方虛位之分中隔亥宮三十餘度宋衛接壤而衛屬北方室壁之分宋屬東方房心之分中隔燕吳齊三宮九十餘度地近而天遠之地遠而天近之皆理之不可曉者若謂益不係蜀作阨字解則十二宮中竟缺四川一省矣再詳之

汾陽志曰汾古西河地冀州之域春秋以晉屬參未始專以參言汾也及秦以西河隸太原郡亦得繫之太原畢分太原昴畢分星也唐以西河屬河東郡亦得繫之平陽參分平陽甯參分星也史記謂秦地於天官東井與鬼分楚其界內有西河則西河又得繫之井分星矣山西通志謂甯參實沈之次於長在申晉魏之分也而井宿附焉晉天文志曰自畢十二度至井十五度為實沈分楚據山河以考之汾地西河北距太原界七十里太原晉魏分也得不分星畢乎

南距河東平陽界百二十里平陽魏分也得不分星參乎西距陝西吳堡界二百九十里吳堡秦接西河分也得不分星井乎按宋史天文志參星十度右足入畢十三度又參九旂星在五井東北玉井四星在參西左足下東井南軍市十三星在參東南觀其鈞連曲屈之狀夾維環拱之勢是汾雖主參而得於畢者十僅一之餘得於井者十則二之餘又不得以疆界遠邇為槩也在左氏子產雖曰堯遷實沈於大夏主參

臺駘能業其宮顓頊嘉之封於汾川由是觀之臺駘汾神也實沈參神也此汾陽舊志所引而止以汾屬參野殊未之深考矣則為汾志天文之言者宜曰汾在天文參度下入井分二之餘而兼畢分一之餘焉論斯允當歟如有按星經詰之者曰星有星氣氣有初有中有終度有度里凡天一度為二千九百三十三里七十一歩二尺七寸四百七十八分分之三百六十二試察汾地所受星氣之各有淺深所占度里之數

為廣狹乎則將應之曰星家有專術是則闕焉
以俟後之達天學者

汾州志云晉天文志目畢十二度至井二十五
度為實沈魏分野則汾固冀州之域天文參之
度也大都地有名鎮天有分星謂汾屬參野者
固不敢不然謂汾必屬參野者亦不敢盡然此
其理介在可知不可知間之哉惟修其在人者
聽其在天者則幾矣

沿革

平遙古陶地帝堯初封於陶即此春秋時屬晉
戰國時屬趙秦漢始稱平陶屬太原郡東漢屬
西河郡晉仍屬太原後魏以太武名燾改為平
遙屬西河後周省隋復屬介休唐屬介州貞觀
初屬汾州後屬太原府宋真宗仍屬汾州後屬
太原金元復屬汾州明神宗二十四年改汾州
為府仍隸焉

國朝因之

疆域

東至祁縣盤陀八十里

南至沁源縣界六十五里至沁源二百二十里

西至汾陽縣界四十五里至汾陽八十里

北至文水縣界二十五里至文水八十里

東南至武鄉縣界六十里至武鄉二百里至潞

安府三百八十里

西南至介休縣界三十里至介休八十里

東北至祁縣界二十五里至祁縣五十里至徐

溝縣一百一十里至太原府一百九十里

西北由汾陽文水縣至岢嵐州三百里

江南路自縣而東南達之陸路二千四百里

京師路自縣而東北達之陸路一千三百里

山川

起山在縣東南四十里一名弋嶺山一名鍋山

視諸山獨異以其超出故名其巔廣平週圍百

餘步環抱奇秀按家記高三百三十六丈橫一

百餘里

麓臺山在縣東南四十七里一名蒙山又名謁

戾山其高無比山勢甚雄山海經云龍首山西
三百里曰麓臺爾雅云山足曰麓土高曰臺
紫蓋峯在超山東巖下常起光紫色如蓋故名
萬松嶺在超山南其山列嶂如屏黛色撲人又
上下盡松每風至濤聲謾謾然
文殊頂在超山北舊傳有文殊閣在其上今廢
或云文殊菩薩曾歇脚於此
清光峯在超山東峯常放光照徹山谷如玉海
銀闕其發無時

觀音坪在超山之西

寶塔巖在超山東日落時紫色照耀即從此巖
下起或云塔藏舍利也

鍋山在縣東南五十里上有塔

源池水在縣東南十五里平地湧泉其清可鑑
分流灌溉民田北注中都西入汾水以源上有
祠故俗名源祠每春致祭

中都河在縣東南三十里出谷中接圖經志源
出中都谷橫嶺下西南合源祠水經城南往西

入郭城洎復入汾河灌溉縣西十三村明莊烈
年間山水瀑放堤壞由縣東北注灌下八村
亭岡水在縣南二十八里石巖中出圖經云此
水自亭岡谷北流入中都河
原公水一名賀魯水出有超山下湧注東北流
堤引灌田三十餘頃堤在永泉里黎基村西南
嬰澗水在縣東三十里水經云謁戾之山嬰澗
之水出於其陰

魯澗水在縣東二十五里由朱坑村西注灌溉

東郭龐庄二里民田合嬰澗水入長壽河

汾水在縣西北汾陽界按山水經云源出太原
晉陽山管涔谷自交城文水入本境向西南經
汾陽介休界其水勢暴猛遷徙不常滄沒民田
多被其害

長壽河在縣北三十里出自南山經祁縣入本
境西注合汾水一名沙河每夏秋泛漲瀰漫多
至沒民室廬田畝而長壽村為害尤多
越谷在超山一名郭谷

龍泉一名應潤泉在超山龍王廟禱雨立應
白龍潭在縣西南洪谷禱雨靈應武亮有記稱
其谷上通縣山兩崖對峙壁立千仞巨潭天成
皎若明鏡云

百福井在超山百福寺旱禱雨即應病者祈飲
多愈 孝感泉在西汾村元沁帥杜公唐臣夫
人王所鑿唐臣客沒夫人歸葬故里水苦澁不
可飲夫人指示令人鑿之得泉甘冽以供蘋蘩
自是歲時承祭用之鄉里重焉因名為孝感泉

夫人左丞文定公母也

古蹟

尹吉甫將臺連接東城宣王命吉甫北伐玁狁
時所築今遺蹟如故上有高真廟邑侯楊廷謨
重修

京陵城在縣東七里城塚記周宣王命尹吉甫
為將伐玁狁所築漢為縣屬太原郡唐於縣治
南置京陵府水經注曰京陵縣王莽更名曰致
城矣於春秋為九原之地即趙文子與叔向遊

處故其京尚存漢興增陵於其下故曰京陵焉
漢文帝中都城在縣西北十二里晉陽志云漢
高祖十一年韓信遣太尉周勃平定代地遂取
山陽太原之區亦屬代立子恒為代王都晉陽
後都中都魏時廢為縣屬平陶水經注曰春秋
昭公二年晉侯執陳無字於中都者也漢文帝
為代王都此武帝元封四年上幸中都宮殿上
見光赦中都死罪以下又按漢書今在文水縣
南本縣北考顧徵君寧人先生日知錄云高祖

紀十年陳豨反十一月破豨立子恒為代王都
晉陽則今之太原縣矣孝文紀則云都中都陳
豨傳同而文帝過太原復晉陽中都二載又立
子武為代王都中都則今之平遙縣矣如淳以
為先都晉陽後遷中都正義引括地志中都故
城在汾州平遙縣西南十二里

來城在縣西三十五里按蓋經云後漢來歙築
之以集敵故名

羗城在縣西四十里漢建安中築此以居羗人

又按十六國春秋云劉氏之先有羗城之號及趙滅其城遂廢

思歸城在縣東二十里前趙劉淵攻劉琨於太原築壘拒戰因思歸而近道

蔚州城在縣西北二十五里後魏遷北蔚州民居此置蔚州後周廢

屈頰城在縣西北二十五里城塚記晉武帝於堤側屈曲為頰後因汾水泛濫漫壞不存

青城在縣東二十里唐開元十年蓋都有五色

龍見從西南入省城上昇

亭岡城在縣南二十八里不知所有始

玉皇閣在清虛觀曾臺高峻直入雲表為域中勝觀登其上可以遠望太行超懸麓臺諸山青濛如黛令人有憑虛御風之想宜爾日為仙真所遊息也姚緒雪齋有詩

鳳凰臺在縣治西北隅蓋有鳳樓於其上亦不記何年一邱巋然

鳳凰亭在城西北隅鳳凰臺上明神宗四十七

年邑令楊公廷謨磚砌重臺建亭名曰鳳凰東西廊各一植梧桐數十以為一方之勝今荒草寒榛而已

于仙石跡在超山路傍石上縱橫不一或云皆仙人手書也然多漫漶不可認識亦有遊人題名

金井樓不知始自何年在縣中街下有井水色如金故名

凝碧樓在縣東南岳壁村寺中

蘇碧堂在慈相寺金趙大瑞題詩處以其多竹也

華林園在縣衙側

喜雨亭在署中金大定十二年平遙縣縣丞寇居慶因禱雨超山有應建亭署中名曰喜雨胡村古栢方圓二丈五尺一枝西向如老龍以石柱擎之一柱泰和七年一柱嘉靖三十年一磨滅不可認識邑令蘭州王綬訪而奇之時與客坐卧暢飲其下賦古栢詩畫圖刻石以表之

又砌為臺以護持焉石立其上

太平興國觀古柏共十六株殿前十閣下三閣後三皆雄古蒼秀不可方物而閣下三株尤奇絕唐時物也

晚香堂元杜文定公思敬所築有詩今不存唐張智度墓銘殘石為人磨滅所存止百數字筆帶篆籀意酷似褚河南楷法與慈恩金塔聖教略同而漫缺如此惜哉天寶元年壬午刻唐上柱國梁思墓志銘石方二尺許有墓中崩

出貞元九年癸酉歲刻字似虞而略具褚意用筆皆具晉法似從永和帖脫胎亦唐人臨摹所從出也思字恭極簡古古人一字者間有之高祖字季是也志不書作者姓字尤高朴漢碑皆然

論曰西京文廟石墨如林而漢晉無存唯懷仁集右將軍聖教為第一其他盡唐碑也此外郡國求唐人隻字且不可得宋元以下斷無幾矣是邦故碣乃有開元貞元二物貞元者為梁氏

遠祖砌之吉祥寺以為護持寺梁氏五路廉訪家故佛堂也開元者砌之西河書院壁上使好古君子共一珍玩焉

宋慶歷麓臺山聖俱寺殘碑在縣東冀郭村碑高丈餘濶四尺餘字方二寸許楷書略帶行意莊雅凝秀一洗宋人暴筋露骨欹斜奮張之習極有唐法楷斷剝其下大半留上半五六尺字畫可愛亦不知誰氏謨書止存朝奉郎守秘書省著作佐郎知并州太谷半行朝奉郎太常博

士通判石州軍州兼管半行後存慶歷六年五月二十二日半行側北崇寧人題名字如椀大側南上建中癸未人題名下政和乙未人題名皆大字碑陰上景祐二年秘書丞署定州判官吳郡張伯玉書字體圓肥亦饒秀意贊無名禪師語也下皇祐二年記沙門名百餘人此碑劉孝廉岷字豫山曾親訪摩挲之云字體端楷骨幹如鐵迎日視之光怪瑤瑤恨下半為風雨數剝失其全文與姓名耳

宋嘉祐八年百福寺牒尚書門下奉勅賜額中
有戶部侍郎叅知政事趙戶部侍郎叅知政事
歐陽中書侍郎兼禮部尚書平章事曾門下侍
郎兼兵部尚書平章事韓石在起山寺

宋清虛觀治平元年中書牒門下侍郎兵部尚
書四公官銜與百福寺同在觀

宋元祐七年清虛觀碑在觀內權均州軍事判
官謝惲記太廟齋郎朱處厚書字體秀長有姿
致

宋宣和元年勅賜趙山應潤廟牒大書通議大
夫守右丞張特進少宰少保太宰俱行書下各
有押在起山廟

宋宣和元年勅賜應潤廟記在廟內宣教郎知
汾州平遙縣勾管學事余彥和記太學內舍生
龍澤書字體方整可觀

宋起山應潤神祝文在廟宣和元年奉訓大夫
周煒遺余彥和致祭刻一方碣字體雅媚
宋禮部學士郝純夫題名碣在清虛觀內後有

邑尉賈說稱純夫宏才奧學射策宸庭榮預平
津之亞學冲靖先生為莫逆友等語極雅令書
作小行亦文秀純夫大字題曰思純授命還承
諸親友遠訪留三宿大觀己丑介山郝純數字
餘皆刻

金趙秉文草書陰符經在清虛觀古今重之碑
高字大硬峭嶮拔骨力殊勝而石多斑剝神氣
難存

金元道山先生題名石在超山題云己亥秋八
月十有四日自太原道往山陽留宿于此東山
元好問裕之題字如拳大隨意而書溫仁甫有
後叙通辯大師院主廣演立石一日遊山偶于
林莽中得之手跡宛然喜而欲狂不意空山斷
石有此二十八字

金大定二十八年重修應潤廟碑在超山亦以
禱雨有應也字方硬有法亦楚楚明晰
金趙大端僧塔記巖垣八分在慈相寺
金皇統壬戌葬枯骨銘碑在清虛觀鄉貢進士

李致堯謨并書悲苦哀涼慘不可讀天發殺機無可奈何真仁之至而義之盡也一銘尤可泣鬼神書全似歐陽率更

元梁公禱雨碑在超山訓導張翼謨伶思賢書碑甚大字扁古有別致思賢江右名儒

元郝真人碑翰林學士朝請大夫知制誥修國史姚公樞謨八分書極方勁而剝不可讀

元大德六年完顏公祈雨應潤廟感應碑教諭武亮謨鄉貢進士常茂書在超山

元重修超山百福寺記至元六年鄉貢進士西源老人李骨子益謨志山中修葺住持事極悉惜石多泐

元萬戶梁公瑛墓碑嘉議大夫御史中丞魏初謨集賢侍讀學士奉儀大夫李個書中奉大夫中書叅知政事杜思敬篆在梁官村墓上字畫端楷妍古篤似褚河南

元肅政廉訪使梁公天翔墓碑在梁官村奉政大夫監察御史毫郡李源道謨集賢學士吳興

趙子昂書翰林侍講知制誥兼修國史清河元明善篆松雪書本姿媚此碑則清勁而瘦雅復以骨勝歷數百年竟無人知者因葺邑志始考得焉劉孝廉岷親至墓下剝洗竟日命工搨之人從是矜傳墨本以為希世奇寶

元伶思賢安樂會詞在清虛觀

清和子手書三大字在觀內極似長公

郝真人十二大字在觀中

董紹祖樂府詞在集福寺壁字作行草詞極婉

麗淮海耆卿可相伯仲不知所索桃源憶故人原唱所云提筆立就者更復風流蘊藉作何許狀也

韓尚書邦奇詩碣二方在西河書院公字汝節號苑洛諡恭簡朝邑人一代大儒二詩皆斷句官晉時所題也即公手書字如拳大作章草法傅徵君山惠濟橋碑大書深刻學顏尚書家廟碑得其神力者八九文更奇岷卒難句讀傅真君樓真庵碑在十里鋪八分兼篆體用筆

似鐵石與做中郎林宗墓碑又殊係先生七十
五歲所書文作排體而與隱多大藏微言
墳墓

周

卿士尹吉甫墓在縣東門外路北明神宗二十
五年知縣周之度於墓前豎碑大書題曰周卿
士尹吉甫神道三十四年知縣陳所學以磚砌
墓前建亭堂四楹四十五年知縣楊廷謨捐俸
封墓修祠

唐

吏部冢宰裴誨墓在金庄村

唐

上柱國梁思墓在下西門外

竇建德墓在縣東南三十里羅家莊俗稱為竇
王墓

宋

禮部侍郎裴定墓在下西門外

元

評事杜遇墓在范洛村

元

評事梁秉鈞墓在梁官村

元

平遙縣令梁瑜墓在梁官村

元

征行都元帥五路萬戶梁瑛墓在梁官村

元

平遙縣令梁琮墓在梁官村

元

河東南北路與魯萬戶侯杜珏墓在范洛村

元

龍虎衛上將軍河東南北路兵馬大元帥便宜

行事沁州長官杜豐墓在范洛村

元

明威將軍吉州路達魯花赤杜思明墓在范洛

村

元

中書參知政事四川行省左丞諡文定公杜思敬墓在范洛村

元

通奉大夫河東山西道宣慰使贈康靖公杜肯構墓在范洛村

元

資善大夫陝西省左丞杜肯獲在范洛村

元

光祿大夫集賢大學士贈晉國公范杜宣墓在

洛村

元

少中大夫西蜀四川道肅政廉訪使梁公天翔墓在梁官村

元

上都雲路州判官梁舉墓在姚村

元

工部侍郎梁日新墓在姚村

元

朝列大夫信州路總管府治中梁時中墓在梁官村

元

承事郎大名路清河縣尹兼管本縣諸事與魯勸農事梁時正墓在梁官村

元

忠顯校尉僉浙東海右道肅政廉訪事梁時仁墓在梁官村

明

誠齋先生李震墓在梁趙村

明

孝子高郵州知州任良才墓在北門外

明

吏科都給事中任良弼墓在北門外

明

延長知縣雷灤墓在南門外

明

孝子溫州府同知李頤墓在梁趙村

明

孝子舉人梁殿邦墓在梁官村

明

孝子兗州府通判陞陝州知州王尚龍墓在金

左村

明

澗池知縣范道行墓在南門外

明

寧遠道劉三元墓在藥城

明

貢生劉士鰲墓在北門外

明

孝子華陰縣縣丞梁棟隆墓在南門外

國朝

生員王欲見墓在樓村

國朝

割股孝子梁州尹墓在東郭村

國朝

割股孝子梁州儒墓在西郭村

國朝

河州知州梁禹甸墓在南門外

國朝

四川順慶府知府梁漢墓在南門外

論曰古陶諸賢自周卿士而下若裴若杜若梁若李忠孝文武光重粉榆者蓋指不勝屈也夫而不朽其在斯乎後之君子觀九原而歎息思哲人之如在則斷隴荒邱高山仰止皆吾師也

舊志載竇建德墓云在牛口峪牛口河洛地耳且建德就擒至長安方為文皇所誅則此地之塚可疑而華陰東山有建德墓故臣憐而收葬或近之矣

十二景

舊有八景為一邑之勝騷人逸士所奇興遊覽者曰

賀蘭仙橋

在縣治東舊傳有賀蘭仙子過此

市樓金井

在縣中樓高百尺井內水色如金

鳳鳥棲臺 在縣治西北隅舊有鳳棲其上明神宗時知縣楊廷謨磚砌圍牆建一亭東西房各一植梧桐數十株名曰鳳凰亭

于仙藥跡 古有于仙修道超山浚池引泉製藥病者飲之即瘥水味如橘

源池泉湧 在縣東南源祠村旱禱輒應

嬰溪晚照 在縣東嬰溝村紅輪西墜澗中猶有光映

超峯曉月 峯頂嶙嶙月上如畫

麓臺疊翠 奇峯疊出翠色可愛

今益以四景合前為十二曰

清虛仙跡 在玉皇閣上康熙辛未呂仙來遊因題五字於柱上倏忽不見字畫絕奇

書院弦歌 西河書院誦讀之聲不絕午夜燈火猶如燃藜為人文之勝

河橋野望 惠濟橋成環城植柳着秋登眺煙光如畫

仙觀古栢 在胡村有栢蒼古奇怪不可方物

因以仙名

平遙縣志卷之二

建置

數土定制則立城池以為捍衛有公署以肅臨
蒞有儒學以宏教化有堤堰以備蓄洩有橋梁
則往來之道備焉有堡寨坊市村落則防禦賢
易之法行焉有風俗則一方之習尚具焉貞淫
見焉逸即彈丸凡當建置者靡不掣然備矣第
恐歲久易湮其加意修葺推守土之良是望也
嗟夫前人之述備矣次建置

城池

舊城狹小東西二面俱低周宣王時尹吉甫北伐儼狁駐兵於此築西北二面明洪武三年重築周圍十二里八分四厘崇三丈二尺濠深廣各一丈門六座東西各二南北各一後建敵臺高鋪四十座景泰初知縣蕭重修正德四年知縣田登修下東門甕城又築附郭閔城一面嘉靖十三年因河衝城角十九年舉人雷潔監生任良翰督率築完得免寇患三十一年知縣沈

振又修西北二面厚七尺高六尺築北門甕城四十年沁州同知呂堯卿署縣又高南城六尺四十一年知縣張稽古因寇犯邊急砌磚牆更新門樓各豎扁題士民頌德立碑于縣儀門外左隆慶三年知縣岳維華增敵臺樓九十四座俱用磚砌仍于六門外砌吊橋立附城門僉夫防守各塚口設團總管四員督之其衣裝盔甲火器火藥鉛字弓弩之類無不備具教場內立碑紀焉明神宗三年知縣孟一脉用磚石包城

四面視往倍固明神宗五年知縣董九仞廣植樹木於四壕修葺圯壞明神宗二十二年知縣周之度申請撫按動本縣民壯修築東西甕城者三皆以磚石自是金湯鞏固保障萬年矣至本朝康熙二十三年七八月間因靈雨損壞知縣奉天黃汝鉅捐俸補修屹然完固共計城墻二十五丈城堞一百二十三堞康熙三十五年七月知縣王傑補修南門甕城二丈三十六年六月補修下東門北外城小樓一座本年六月二

十八日補修上東門外南城六丈餘三十七年三月補修北城四丈餘三十九年四月知縣王綬補修西城二丈餘四十年七月補修上東門甕城四十一年五月補修北面城二丈餘小城樓一座四十二年四月補修南外城二十餘丈

聖祖仁皇帝西巡過此建修四面大城樓四十三年正月補修南外城三十五丈四十四年四月補修上東門大門樓併門洞四十五年二月沿城植槐柳

公署

縣治在城中之西舊制大門三間明神宗十九年知縣何其智更為磚洞上建譙樓三間門內東寅賓館三間明神宗四十七年知縣楊廷謨以無儀門復建大門二門後土地祠三間儀門三間東西角門各一間儀門內中觀政亭西重獄北女獄又西北輕獄公堂五間東一為錢糧庫西一為武備庫堂東贊政亭一間西鑿駕庫一間東吏戶禮三房十一間西兵刑工三房十

一間公廨在西三房後縣倉在公廨北縣宅在正堂後縣丞宅在正堂東典史宅在正堂西明神宗二十五年知縣周之度于大門外東修觀風樓明神宗四十八年知縣楊廷謨改築監牆砌以磚石儀門外兩旁修賦役房七所以便里老收糧大門外東修彰瘴亭陰陽醫學各一間西修申明亭一間縣門前路西空處修管支馬戶轎夫房總鋪司共九間順治十二年知縣汪麗日衙門東修鐘樓

洪善驛在縣治東北

僧會司在太子寺

道會司在大興觀

陰陽學在縣治左路北

醫學在縣治左路北

常平倉在縣治東康熙三十四年縣令王傑建

廩房五門

演武場舊在下西門內養濟院東北知縣張恪

改於西門外建演武亭三間旗臺一座

廟學

文廟在本縣治東南舊制宏濶壯麗極為善地
明莊烈九年知縣王凝命忽舉而移之於治東
太子寺以寺為廟即以今廟為寺寺稱太子者
以佛昔未出家時為梵王太子蓋西方家語也
荒誕鄙俚最為不經侮聖褻賢不知其意指所
在相沿數十年生儒抱恨不能更定至康熙十
四年縣令栢鄉魏公喬愨至詢得其由按圖考
究慨然興作詳具各憲仍以故寺為寺而建

聖廟於舊所復還舊物闔邑稱快三十九年縣令蘭州王綬來睹宮牆廢墜即為捐俸修理仍闕雲路建文昌奎星閣高五丈餘以崇明祀補缺略培風氣云

儒學官宅二所一在戟門東一在戟門西

明倫堂東西各有齋嘉靖二十年分守左叅政于公命建

敬一亭在明倫堂後內立明世宗御製敬一箴及宋儒程氏范氏五箴碑俱于公建

啟聖祠

名宦祠

鄉賢祠

戟門

櫺星門

祭器庫

道貫古今坊

德

配天地坊以上俱嘉靖三十八年署事汾州衛

經歷楊得金建

尊經閣隆慶四年知縣崔元吉捐俸三十兩

建未就六年知縣孟一脈完工至明神宗十九年知縣何其智重修殿廡二十五年知縣周之

度建雲路爭先坊城上塑魁星於東南城角樓
二十九年知縣魏學徵改泮池於照壁之南暨
魁化天池坊於泮池之北各有碑記四十六年
知縣楊廷謨憫其圯壞大興修補改修敬一亭
尊經閣改泮池於樞星門內體制輝煌更倍於
前士大夫為之立修學碑四十八年又嫌正殿
兩腋之門泄氣於兩腋各建房三間左為神庫
以藏祭器右為神廚以造祭名此從前修舉之
大略也

論曰廟學自栢鄉魏公改復後神人悉協衷幾
無遺憾矣而尊經閣蕩然無存令長生儒可不
急謀起建以興文教乎

祭器

文廟祭器爵一百九十五登五釧二十簋四十
一酒壘三犧罇象罇各一香爐四十三燭臺四
十三對酒杓三神桌三十二張紅帛匣一十二
焚帛錢架一座祭器舊用木瓦磁嘉靖壬辰知
縣陳謙俱易以錫煥然鮮美恐歲久缺失仍列

器數斤重勒於石

學田

共地六段計地二頃八十七畝每歲徵租粟二十二石四斗五升三合五勺徵租銀一兩九錢三分五厘

一段八十畝在縣東南中曲村

一段八十畝在縣東善信村

一段五十畝在縣北王家庄

一段四十畝在縣西北安園里

一段三十二畝在縣東北閻村

一段五畝在縣南岳壁村

社學

社學即古小學遺意窮鄉下里民間子弟得師以誦習實有賴焉合城內外凡十所一在下東門外一遊駕村一香樂鎮一洪善鎮一武村一岳壁村一陳家莊一寧固阜村一王家庄一杜村縣令王綬捐俸設

義學

義學以邱寒士也在縣治東南康熙二十三年
縣令奉天黃汝鈺捐俸創建計地一畝五分正
堂三間東西廊各三間大門一二門一小房三
外砌以磚墻延師教訓以居士之貧而志學者
大門額曰義學二門曰入門之始堂曰聖功堂
左書室曰下學上達右曰孝弟謹信後中堂曰
為山一簣

義學學田縣令黃汝鈺設歲計租課所入以為
館穀之需地歸文會坊免其差徭正賦輸官計

尹村馬鋪民地四十畝七分一厘價銀四十八
兩八錢五分集福里五甲人張斗星賣今歸文
會坊一甲義學每年輸租二十石三斗五升五
合佃人張維傑契券禮門存案上西門外五里
民地二十七畝一分三厘價銀四十兩五錢宣
化坊三甲人范玉振賣今歸文會坊義學每年
額租一十三石五斗本人租種於康熙二十六
年十二月內增置契券禮房存案認糧一石六
斗二升七合八抄

書院

卿士書院在上東門內路北即卿士廟也士子
舊多讀書其內邑延長令雷燦中鄉試日正館
此

西河書院在縣治西南康熙四十二年縣令王
綬奉大中丞鳴公命捐俸創建禮聘名賢教訓
其中合邑之青衿俊秀數十餘人晨夕講誦弦
歌之聲聞於戶外書院為三進前堂後閣制極
崇閣堂祀

卜夫子子夏以其教授西河故也堂額曰文學
閣五間起層臺額曰抱經中一亭額曰言詩四
十七年置地一頃九十四畝七分五厘充供給
租課案存禮房
舖舍

總舖司在城內縣治前路西

上東門外邢村舖 辛村舖 上店舖

下東門外仁內舖 洪善舖

上西門外城村舖 城西舖

下西門外遺蒲鋪 寧固鋪 香樂鋪 白石

鋪

堤堰

中都堰在縣東南河古西流後洪善驛告分飲
馬水北注嘉靖十三年水衝城角生員李漢具
呈守道准修築堰水仍西流免患舉人雷潔監
生任良翰等督之明神宗四十年復衝壞至四
十六年知縣楊廷謨助粟修復倍堅厚行免病
涉而民享其利至明莊烈年間堤又壞北流西

注已數十年所矣

汾州府志云中都河古跡向西流後因洪善驛
告分飲馬水久俱北注嘉靖十三年山水泛漲
衝壞城東北角生員李漢等具呈守道叅政趙
准呈修築堤堰水仍西流城始免患舉人雷潔
耆民成奈等督工明神宗二十六年北村田相
等爭分水利告守道麻准行本縣魏知縣躋議
將大河之水西村使水七分許由相等分一小
渠使水三分用石砌渠口以防衝決後因修造

不堅二十九年以來山水泛漲渠口衝塌水獨
北流西村郭從賢等與田相爭水累訟三十六
年西村溫大安等爭水與田相互告守道徐蒙
批河水流衍何常惟其所決中都河之水想可
西亦可東北者往年魏知縣從北鄉之請分水
澆灌定以三七分何嘗不是當時或未審西北
地形之高下亦未審離城之遠近耳今勘得西
高北下水勢順非些微土石之所能堵一遇泛
漲必至潰決河水盡北寧直西之民無水之利

而北之民且有水之害矣今縣官議塞渠口非
為西民興水之利實為城隍官道計耳是或一
道而田相等徑嗷嗷不服又云距城尚遠倘於
城壕非切膚之災則與其盡塞莫若量開興利
除害工夫全在堰口行本府知府王道一并同
知趙士際躡議地形西高北下水向北易向西
難仍照前三七分分水衝決之處厚加堵塞使水
全力西注但於堤中開一小口細流向北修砌
水口務極堅固西北兩村均受水利無水害矣

此舉工費頗鉅一勞永逸在縣長留心耳
橋梁

文津橋在縣東八里聚賢庄

濟遠橋在縣西十里城西鋪乃古西河橋也

惠濟橋在下東門外道士劉真貴郭清寧紀首
劉澤民安爾邦等六百餘人募緣創建太原傅
徵君青主先生有碑記之至康熙三十六年六
月十九日水火發衝壞沙堤知縣王傑發穀一
百石修葺紀首趙達仕范涵監生郭柱礎閻世

醇張萬顯道士侯冲麓等募化一千餘人更向
南接四洞未就復因水壞知縣王綬發穀六十
石錢萬餘補完因其堤路未穩再令住持糾首
起工重修又捐俸銀四百兩工始竣沿橋種槐
柳一望青蔭與城郭相接行人過者如華陰道
上然內糾首張榮顯獨助石工銀三百兩
坊牌

冀南保障坊在縣泊南知縣孟一脉建
肅察坊在察院左

貞度坊在察院右

激濁揚清坊在察院前知縣陳所學建

道貫古今坊在文廟左

德配天地坊在文廟右

太和元氣坊在文廟前

雲路爭先坊在文廟前南城上知縣周之度建

一方保障坊在城隍廟左

萬姓幷懽坊在城隍廟右

迎祥房在十字街左

縣治坊在十字街右

忠熙日月坊在

關帝廟左

威振華夏坊在

關帝廟右

進士坊在縣前為進士劉黼建

翰林坊在縣治東為進士任良弼建

都諫坊在縣治東北為進士任良弼建

經元坊在縣治東北為任良弼建

褒榮坊在縣治東北為勅封都給事中任惠建
恩榮坊在縣治東北為勅封戶部主事劉然建
攀桂坊在縣治東為舉人任義建
奎光坊在縣治東為舉人陳輝建
文魁坊在縣治東為舉人陳越建
重光坊在縣治東為舉人陳廉建
蟾光坊在縣治東為舉人李頤建
擢桂坊在縣治西為舉人冀玉建
鵬程坊在縣治東為舉人閻泰建

騰蛟坊在縣治東為舉人閻尚志建
文奎坊在縣治東為舉人李穎建
禹門世奮坊在縣治東為舉人雷潔建
激揚坊在東察院西
維風式化坊在縣治西奉
旨為節婦李氏建

城市

街巷二市

十字街一市

市樓街二市

東街二市

西街二市

大西城二市

小西城二市

南門街二市

鎮集

洪善鎮在城東北二十五里

上店鎮在城東南六十里

寧國集在城西二十五里

范落集在城西北三十里

朱坑集在城東二十里

長壽集在城東北三十里

梁官集在城東三十里

坊里

文會坊在縣治東北

武寧坊在縣治西北

里仁坊在城中東

積善坊在城中西

餘慶坊在縣治東南

宣化坊在縣治南

宣教坊在縣治東南

宣德坊在縣治西南

忠孝坊在縣治東

德盛坊

永泉里 泉樂里

永安里 嘉慶里

長泰里

豐盛里

和順里

吉昌里

北康里

臻祥里

集福里

佳瑞里

普淨里

居仁里

由義里

遵化里

正道里

東安里

西寧里

北清里

公平里

行善里

襄城里

康阜里

龐公里

仁和里

靖樂里

明信里

和同里

獨半里

村落

范落村

靳家庄

林泉村

阮康庄

薄泥村

陳西庄

永成村

范村

軍寨村

武村

尹回村

黎基村

干坑村

岳壁村

任家庄

城南堡

高林村

道虎壁

西泉村

南胡村

遮胡村

飛沿村

西源寺

西坡村

趙壁村

坡底村

東泉村

水磨頭村

圪塔村

木瓜村

坡頭村

東源寺村

曹善信村

朱坑村

坡底村

東西崖窩村

陰溝村

曹壁村

上王村

宋家嶺

侯賈庄

蘇雷程家庄

韓石黑堡庄

北纓澗村

南纓澗村

東坡河西凹

黃碧村

南北石渠頭

偏城深峯

東戈山

西戈山

東西青村

修得村

侯壁村

喬家山

梅回落光頭

閻良庄

五里庄

西郭村

辛村

細窩村

源神廟

大小郭家坡

山坡頭

郭休村

金庄村

西梁黑村

壤垣村

桑城村

大閻村

小閻村

欽賢村

白城村

府底村

新盛村

閻村堡

羅鳴後

東深黑村

桃園堡

下王村

郝開村

長則村

桑閭村

上店鎮

洪善村

桑冀村

郝同村

栢生村

梁官村

郝喬村

郝象堡

王家庄

西堡村

東西山胡村

李家橋

買家庄

郝村

曹象堡

白家庄

東遊駕村

西遊駕村

京陵城

尹村

侯郭村

道備村

南政村

門世村

長壽村

朱家堡

杜家庄

劉家庄

西良村

回回堡

鹽長頭

南良庄

東良庄

冀郭村

龐庄村

任庄村

辛村

李村

閻家庄

段村

南巷村

寬冀村

常堡村

安社村

達蒲村

凹流村

東庄村

左象堡

南侯村

蘇家堡

任象堡

北侯村

東張趙村

東堡村

薛家庄

青樂村

西范落村

灘頭村

寧固阜

西張趙村

趙村

常村

梁村

邢村

汪湛村

庄則村

小王村

落依村

靳村

東庄村

北官地村

薛家堡

郝家堡

南官地村

巷城村

羅城村

西王智

招賢村

魚市村

云家庄

中官地村

安國村

油房堡

趙坦村

梁家堡

南堡村

郝庄村

北庄村

盧村

岳封村

蘇封村

李世村

王智村

桃同村

三家村

堡則村

香樂村

淨化村

小胡村

果則溝

西堡村

南良如壁

北良如壁

北山狼村

南山狼村

曹村

南北姚村

魏樂村

王郭村

西庄村

梁周村

閻壁村

東雷豐依村

杜村

安寧村

橋頭村

武房村

侯冀村

梁趙村

七同村

堡和村

弓村

東西胡村

武備

團總十八名管領保長小甲城夫

保長八十一名

小甲三百二十二名

城夫一千五百五十二名

打手三十名

民壯五十名

弓兵三十名

馬快手八名

步快手八名

莫問屯

蘭村屯

西城屯俱在縣東北二十五里

論曰夫子曰有文事者必有武備國家太平游
嬉井里而已一有不虞則易生戎心故聽鼙鼓
即思將帥烏可緩乎烏可緩乎

堡寨

洪善堡

杜村堡

侯冀堡

郝同堡

達蒲堡

趙壁山寨

西泉山寨

養濟院

養濟院在下西門內路北歲久傾圮貧民無歸
邑令陳公以恂具詳申請各給月糧三斗捐俸
重建正房一座東西房各十間必先亭一楹竇
公亭一楹門面一座有文記之康熙四十八年
縣令王綬捐俸重修

義塚

義塚邑人任良翰正德年間捐地八畝在下東
門外路北為貧人無歸者葬立碣石歲久湮沒
明神宗四十八年知縣楊廷謨申請文地查出
重立碣石表記

義塚五處

一在北門外社稷壇西

一在南門外南壇東

一在上東門外

一在上西門外

一在下西門外

俱立碣石上書澤枯原記畝數於石

風尚

士瘠民貧勤儉質樸憂深思遠有堯之遺風焉
 詩參為晉星其民有先王遺教君子深思小人
 儉陋水深土厚性多剛直史記晉魏以降文字盛
 興并州近北俗尚武藝杜次通典人物輩出代不乏
 人皆有文武全材大圖原平遙地瘠薄氣剛勁人
 多耕織少商賈健訟尚侈雖唐堯遺墟而婚喪

尤奢尚望當事者抑焉汾州府志其民純儉節用有

陶堯之風慷慨好義髣髴子夏干木之遺烈宋

謝珠清風俗返樸而還淳人物居仁而由義雖

云去古以益遠猶有陶唐之遺意元伶思賢

平遙縣志卷之三

田賦志

前令楊公廷謨之言曰賦役係國家根本關生
民命脉少不得其平則財苦竭澤力疲奔命如
之何不窮且盜也况平遙地苦沙薄更多山澗
環視紛屬地獨磽而糧獨重輕役薄歛在長民
者加之意焉信斯言也恫乎具有餘悲所謂減
一分受賜一分也仁人之詞以利薄哉志田賦
戶口

按明神宗四十八年軍民戶二千八百一十一
男婦口共八萬三千九十三至我

朝康熙十二年歷五十餘載明莊烈十七年遭闖寇
之屠毒順治六年經姜逆之蹂躪今覈實數戶
四千一百八十七男婦一十萬四千八百二十
二人民之繁庶直埒臨淄七萬戶矣
地畝

官民地共一萬一百六十四頃二十七畝一分
三厘六毫二絲四忽內更名地八頃順治十二

年清出無糧民地一十五頃二十八畝六分康
熙二三年間墾地三頃一畝二分三厘六毫二
絲四忽

賦稅

實徵夏秋糧五萬二千五百四十七石三斗七
升一合一勺一抄二乍四奎共徵銀六萬三千
三十三兩七錢三分四厘九毫二絲三忽四微
六纖九塵

農桑

官民桑一萬五千五百七十六株五分二厘每株折銀九厘四毫五絲一忽三微四纖共徵銀一百四十七兩二錢一分八厘九毫九絲五忽九微

明神宗年間加增豐贍庫夏秋糧六十石四升五勺四抄每石徵銀一兩六分三厘二毫五絲六忽五微九纖二沙九塵六渺二埃馬草五束六厘每束折銀八分共銀六十四兩二錢四分三厘三毫

屯田

太原左衛軍屯坐落本縣共地一百一十四頃七十三畝五分五厘九毫該糧五百二十六石三升五合二勺五抄共徵銀四百二十兩八錢二分八厘二毫

實行差三門九則共人五萬一千六百八十五丁各編不等共該徭銀七千八百八十二兩二錢五分八厘內有康熙六年審編增出新丁二千三百九十三丁共徵徭銀九十五兩七錢二

分康熙十一年審編增出新丁二千二百八十
丁俱下下則每丁五分共該銀一百一十四兩
又前項各色民田地內有外州縣寄庄地畝該
徵銀六千三百八十四兩一錢一分三毫三絲
不徵民差每兩徵地差銀一錢五分六厘八毫
四絲五忽六微四纖共徵地差銀一千一兩三
錢一分九厘八毫七絲一忽五微順治十二年
清出土著人丁二十六丁俱下下則共一兩三
錢順治十四年清出紳衿優免供丁七百丁俱

下下則共三十五兩

額徵地丁通共銀七萬二千五百八十五兩九
錢三厘二毫九絲八微六纖九塵內本折起運
戶部項下宣大王糧農桑地畝王田等項共銀
四萬一千一百八十兩一錢七分九毫六絲七
忽三微八纖四沙九塵內宣府鎮銀二千五百
七兩四錢四分二厘大同鎮銀一萬四千九百
八十二兩四錢五分八厘
王糧銀一萬三千七百三十六兩八錢二分七

一 厘七毫

加增豐贍庫銀四十二兩九錢六厘六毫二絲
一忽九微五纖一沙三塵

農桑銀一百三十兩三錢二分六厘二毫

地畝九厘銀九千一百二十四兩一錢五分七
厘七毫

更名地銀五十兩

屯糧銀四百二十兩八錢二分八厘二毫

顏料改折銀五十四兩一分七毫五絲

清出無粮民地銀六十二兩九錢六分三厘七
毫九絲五忽四微三纖三沙六塵

土著新編銀一兩三錢

實在人丁銀三十一兩九錢五分

紳衿優免供丁銀三十五兩

禮部項下羊價藥味紙價等銀一百兩七錢五

分二毫脚價銀一兩六錢一分三毫四絲五忽

內羊價銀二十七兩脚價銀一錢七分九毫一

絲

平遙縣志 卷之三
藥味銀七兩二錢一分脚價銀五錢三分七厘
八毫二絲五忽

北羊銀一十兩六錢五分八厘一毫脚價銀九
分七厘六毫

果品銀五十兩脚銀七錢五分

時憲書紙價銀五兩七錢一分五厘每年加閏
月銀一錢六分七厘一毫脚價銀五分四厘一
絲

兵部項下柴直銀一百七十兩脚價銀八兩二

錢一分五毫內柴薪銀一十二兩五錢脚價銀

五錢一分五厘九毫

直堂皂隸銀一百五十七兩五錢脚價銀七兩

六錢九分四厘六毫

工部項下柴夫木柴胖襖等項共銀一千八百

八十七兩二錢三厘六毫八絲四忽脚價銀六

兩九錢一分七厘一毫一絲內柴夫銀一千一

百兩八錢八分脚價銀四兩二錢五分一厘四

毫二絲四忽

木柴銀四十七兩四錢九分三厘七毫五絲脚
價銀四錢八分一厘

新舊疋襖銀五百八兩四錢一分

軍器銀一十六兩五錢

鹿皮五十七張折銀三十四兩二錢脚價銀三

錢八分七厘四毫八絲六忽

屯田司料銀一百七十九兩七錢一分九厘九

毫三絲四忽脚價銀一兩七錢九分七厘二毫

舊額存留項欵奉文節年裁扣並裁官經費銀

項共解部銀三千三百一十三兩八錢六分六
厘六毫三絲內舊編裁剩銀二千兩二錢三分
五毫三絲

順治九年會議裁扣銀三百五十九兩一錢二
分

順治十二年裁扣銀九十二兩

裁官經費銀六百一十七兩三錢一分六厘一

毫

裁訓導喂馬草料銀一十二兩

裁減各衙門吏書工食銀一百五十七兩二錢
裁驛傳道快手工食銀一十二兩

裁廩糧六十四兩

奉裁教職俸薪等銀一百三十七兩一錢二分
奉裁守南道快手工食三十六兩

開墾荒地糧銀一十五兩二錢一分九厘五毫
七絲七忽六微七纖六沙

康熙六年審編增出徭銀九十五兩七錢二分
奉裁大造時憲書紙張銀一十一兩一錢一分

八厘一毫

康熙十一年審編增出徭銀一百一十四兩
置買造解紬絹并本色顏料鋪墊共銀七十一
兩九錢五分七厘一毫脚價銀二錢七分六厘
六毫九絲內置買造解潞紬銀二十六兩三錢
二分三厘三毫脚價銀二錢七分六厘六毫九
絲

絲絹并鋪墊銀一十六兩七錢三分五厘一毫
八絲七忽五微

本色顏料并鋪墊銀二十八兩八錢九分八厘
六毫一絲二忽五微
存留

本省兵餉共銀一萬八千六百八十六兩八錢
二厘一毫八絲六忽八微內三關兵餉銀八千
二百四十兩四錢九分八厘九毫六絲九忽七
微七纖四沙四塵

省營兵餉銀三千七十兩九錢二分一毫六絲
汾石等營兵餉銀七千三百七十五兩三錢八

分三厘五絲七忽二纖五沙六塵

原額站銀三千九百三十四兩五錢八分三厘
六毫不敷奉文在於本縣起運地丁內王糧項
下動支銀七百六十四兩五錢九分三厘八毫
二絲共驛站銀四千六百九十九兩一錢七分
七厘四毫二絲內驛馬七十二匹協濟馬七匹
馬夫三十九名半共該工食草糧銀二千八百
四十四兩

募夫八十六名共該工食銀一千五百二十三

一兩九錢一分七厘四毫二絲
防夫四名工食銀二十八兩八錢

驛丞紙紅銀二兩四錢六分

官支銀三百兩內每年照勘合差使康給口糧
并車牛脚價銀兩支給外下剩銀兩按季起解
驛糧道項下

雜差

本府皂隸七名工食銀四十二兩

本府斗級二名工食銀一十二兩

本府同知薪銀改俸銀三十七兩四錢四分四

厘

心紅紙張銀二十兩

門子二名工食銀一十二兩

皂隸一十二名工食銀七十二兩

燈夫二名工食銀一十二兩

本府通判快手八名工食銀四十八兩

本府儒學膳夫銀一十三兩三錢三分三厘三毫

知縣俸銀四十五兩
心紅紙張銀二十兩

門子二名工食銀一十二兩

皂隸一十六名工食銀九十六兩

快手八名工食銀草料銀一百三十四兩四錢

燈夫四名工食銀二十四兩

禁卒八名工食銀四十八兩

修理監倉銀二十兩

傘扇夫三名工食銀一十八兩

轎夫四名工食銀二十四兩

庫子四名工食銀二十四兩

斗級四名工食銀二十四兩

民壯五十名工食銀三百兩

縣丞俸銀四十兩

門子一名工食銀六兩

皂隸四名工食銀二十四兩

馬夫一名工食銀六兩

典史俸銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

儒學教官俸銀三十一兩五錢二分

齋夫三名工食銀三十六兩

膳夫銀一十三兩三錢三分三厘三毫

門斗二名工食銀一十四兩四錢

教官喂馬草銀一十二兩

洪善驛驛丞俸銀三十一兩五錢二分

皂隸二名工食銀一十二兩

接遞甲皂二十名工食銀一百二十兩

走遞馬騾二十六匹頭工料銀六百七十六兩

館夫四名工食銀二十八兩八錢

時憲書紙價銀一十五兩六錢二分四厘

文廟啟聖鄉賢名宦等祠二祭銀七十六兩

邑屬壇三祭一十五兩

鄉飲酒禮銀七兩五錢

孤貧冬衣布花銀一十八兩

迎春神牛酒席銀三兩

習儀拜牌霜降紙燭銀二兩一錢六分

本府進表什物銀一兩五錢

鋪司兵四十九名工食銀二百九十四兩

歲貢盤纏銀二十兩

廩繕生員二十名廩糧銀六十四兩

起送赴考貢生酒席銀六兩

修理城垣銀一十五兩

進士牌坊銀二十兩

匠價銀一百二十一兩九錢五分

商稅銀六十六兩五錢三分三厘康熙十二年

知縣陳以恂清出溢額商稅銀三十三兩九錢

九分一厘

酒課銀二十五兩六錢五分

牙帖稅銀一百二十一兩六錢康熙十二年知

縣陳以恂清出在村下等小牙稅銀七十兩二

錢

當舖稅銀一百八十兩係活稅

鹽課

歲發鹽引一千三百三十五張

額徵稅銀五百三十一兩五錢二分

紙價銀四兩五厘

土產

楊公廷謨曰禹貢冀州厥土中上周禮并州其利布帛遙固并冀屬邑而物產獨少蘭絲魚鹽不及上黨河東騏驎水利不及屈產介汾即陶冶布葦之微亦不敢望鄰邑地方之磽瘠若此

聊載蔬禾鷄犬之類以俟我成輔相樽節愛養者之觀米也

穀

黍軟硬二種可釀酒稷二種粱粒細粟紅黃白

藺林二種麥有冬種春種蕎麥 扁豆

黑豆 豌豆 紅豆 小豆 麻子 油麥

燕麥 葫蒜

蔬

韭 蔥 芥 芹 茄 蒜 苕青白二種

高苣 芫荽 蓴菜 蔓菁 蘿蔔 白黃水三種

瓜

西瓜 甜瓜 王瓜 東瓜 南瓜 絲瓜

瓠子 葫蘆 菜瓜

果

李 紅黃二種 杏 棗 梨 間有核桃

葡萄 石榴 沙果 榛 蘋蘩

草

葦 蘆 蒿 稂 莠 菅 苜蓿 馬連

木

松 柏 榆 柳 棗 椿 楸 槐 桑

楊 櫻 樺

花

菊 黃白紅三種 葵 大種二種 萱 玉簪 鷄冠 刺梅

芍竹 扁竹 米殼 粉團 山丹 金盞

紅花 夜合 牽牛 白二種 藍水紅 十樣錦

鳥

鷺 鴨 鵠 河鴨 鷓鴣 野鷹 雀 鶻

烏鴉 鳩 黃鸝 元鳥 石雞 華虫

鷓鴣 鴉 梟 落浦 水老鴉

獸

馬 牛 驢 驘 猪 犬 兔 羊 狐

狸 獾 狼 猫 鼠 田鼠

蟲

蠶 蠋 蟬 螻 蛙 蟻 蛇 蝎 蜂

邱蚓 螻蛄 伊威 蜘蛛 蠹 斯 蝶 蠃

蝸牛 螟蛉 蝴蝶 蜻蛉 蚰蜒 蟻 娘

白蟲 螻 蝨 賊

藥

藁本 葶朮 牛黃 蓮翹 荆芥

五靈子 艾葉 蒼耳 瓦松 益母

薄荷 狗杞子 白蒺藜 地骨皮 甘草

兔絲子 天仙子 車前子 桑白皮

郁李仁 紫花 地丁 小茴香

貨

絹 絲 麻 藤 硝 鹽 履布 幾

巾帽 錫 麻油 檀貨 柳器 蜜

黃蠟 靛 二大種 鐵器

論曰陶地水崩沙淺生理鮮薄民生其間終歲
勤勞畊耘之外唯有紡織而貢賦錯然不一而
足且地當孔道供應非一為之下者不亦難乎
用一綬二是所望於良司牧也

